

四庫全書

史部

欽定四庫全書

明會典卷之一百二十二

兵部十七

馬政

國朝馬政有太僕苑馬寺專理而統於本部其見於諸司職掌者有四曰廐牧關換折糧收買其餘印俵等項各有事例今具列於後若內廐馬匹則掌於御馬監云

廐牧

諸司職掌

凡太僕寺所屬十四牧監九十八羣專一提調牧養孳生馬騾驢牛其養戶俱係近京民人或五戶十戶共養一匹每騾馬歲該生駒一匹若人戶不行用心孳牧致有虧欠倒死就便着令買補還官每歲將上年所生馬駒起解赴京調撥本寺每遇年終比較或羣監官員怠惰或人戶奸頑致有馬匹瘦損虧欠數多依例坐罪

計開

太僕寺所屬

見本衙門

南京太僕寺所屬

見本衙門

遼東太僕寺所屬

定遼左衛

定遼右衛

定遼中衛

定遼前衛

定遼後衛

鐵嶺衛

東寧衛

瀋陽中衛

海州衛

蓋州衛

金州衛

復州衛

義州衛

遼海衛

三萬衛

廣寧左屯衛

廣寧右屯衛

廣寧中屯衛

廣寧前屯衛

廣寧後屯衛

廣寧衛

廣寧左衛

廣寧右衛

廣寧中衛

寧遠衛

遼東苑馬寺所屬

永寧監

清河苑

山西行太僕寺所屬

太原左衛

太原右衛

太原前衛

平陽衛

鎮西衛

汾州衛

安東衛

振武衛

朔州衛

潞州衛

保德州千戶所

山陰千戶所

沁州千戶所

寧化千戶所

馬邑千戶所

陝西行太僕寺所屬

平涼衛

慶陽衛

秦州衛

固原衛

陝邑苑馬寺所屬

長樂監

開成苑

安定苑

弼隆苑

革

廣寧苑

黑水苑

添

靈武監

清平苑

萬安苑

定邊苑

慶陽苑

同川監

已下四
監俱革

天興苑

永康苑

嘉靜苑

安勝苑

威遠監

武安苑

隴陽苑

保川苑

泰和苑

熙春監

康樂苑

鳳林苑

香泉苑

會寧苑

順寧監

雲驥苑

昇平苑

巡寧苑

永昌苑

甘肅行太僕寺所屬

甘州左衛

甘州右衛

甘州中衛

甘州前衛

甘州後衛

永昌衛

涼州衛

莊浪衛

鎮番衛

山丹衛

西寧衛

肅州衛

古浪千戶所

鎮夷千戶所

莊浪千戶所

甘肅苑馬寺所屬

已下
俱革

甘泉監

廣牧苑

麒麟苑

溫泉苑

紅崖苑

祁連監

西寧苑

大通苑

古城苑

永安苑

武威監

和寧苑

大川苑

寧番苑

洪水苑

安定監

武勝苑

永寧苑

青山苑

大山苑

監川監

暖川苑

盆水苑

巴川苑

大海苑

宗水監

清水苑

美都苑

永川苑

黑城苑

事例

洪武二十八年革羣監官令有司提調孳牧江南一十
一戶共養馬一匹江北五戶共養一匹內丁多之家充
馬頭專一養馬餘令津貼錢鈔以備倒失買補之用不
許輪流有仍前輪流及令孤寡殘疾一槩出辦者發邊
衛充軍如馬頭家生畜不旺許令於貼戶家看養凡兒
馬一匹配騾馬四匹為一羣立羣頭一人五羣立羣長
一人每羣長下選聰明子弟二三人習學醫獸看治馬
匹凡補領或孳生三歲騾駒每二年納駒一匹 永樂

十年令北直隸土民領養孳生馬匹 十三年定例每
十五丁以下養馬一匹十六丁以上養二匹為事編發
者七戶養一匹除其罪為良民 十四年令北方人戶
五丁養馬一匹免其糧草之半每馬十匹立羣頭一人
五十匹立羣長一人 十五年定南方養馬例江北每
五丁養馬一匹江南十丁養馬一匹凡種馬倒死孳生
不及數例應賠償而遇災荒每羣聽以三分之一納鈔
入官 二十二年令民養官馬者二歲納駒一匹 宣

德三年奏准北直隸每三丁養騾馬一匹二丁養兒馬
一匹免糧草之半兒馬病同羣共治死則均陪若因走
失及別故致死者止追本戶 四年令山東兗州濟南
東昌三府領養孳生馬每五丁養騾馬一匹三丁養兒
馬一匹不在免糧之例 正統十一年命河南彰德衛
輝開封三府照例領養孳生馬匹 景泰三年奏准凡
兒馬十八歲以上騾馬二十歲以上免其美駒 天順
三年奏准原編孳牧馬頭有消乏者改作貼戶 成化

元年令孳生馬每三年騾駒一匹 三年奏准復二年
騾駒一匹額外多餘者官為收買別給空閒人戶 四
年奏准羣長每五年一替 八年奏准各處醫獸每州
定設二名每縣一名歲終更替 十三年奏准養馬人
戶每十年一次審編先上戶次中戶單丁寡婦不許槩
食 二十一年奏准凡補領騾駒作種者二年後方與
美駒 弘治二年奏定鳳陽廬揚三府滁和等州孳牧
牛共五千隻母牛三千七百隻犍牛一千三百隻 六

年奏定兩京太僕寺種馬額數兒馬二萬五千匹騾馬
十萬匹共十二萬五千匹每二年照例納駒其駒更不
搭配於內揀選備用及補種馬之闕其餘賣銀貯庫遇
備用不數量支買補種馬每三年揀選一次老病不堪
者賣銀入官撥駒補數北直隸河間大名保定順德廣
平真定永平七府免糧養馬每地五十畝領兒馬一疋
百畝領騾馬一匹共兒馬一萬六百九十五匹騾馬四
萬二千七百八十匹山東濟南兗州東昌三府河南開

封衛輝彰德三府計丁養馬每五丁領兒馬一匹十丁
領騾馬一匹共兒馬六千八百五匹騾馬二萬七千二
百二十匹南直隸應天鎮江太平寧國廣德五府州每
十丁領兒馬一匹十五丁領騾馬一匹共兒馬一千九
百九十九匹騾馬七千九百九十六匹鳳陽揚州淮安
廬州四府滁和二州滁州一衛每田二頃領兒馬一匹
三頃領騾馬一匹內滁州衛遞加一頃共兒母五千五
百一匹騾馬二萬二千四匹 九年奏准凡牧馬處所

有田去馬存丁消息馬在者應牧馬匹改給得業之人及丁多之人領養逃絕免粮田地給與同羣管業不許典賣與人其一馬兩歲連生二駒者除納官外聽其自用

已上民間孳牧

凡在京在外衛所俱有孳牧馬匹以給官軍騎操之用在京及南北直隸衛所屬兩京太僕寺在外屬各該行太僕寺苑馬寺及都司委官提督每衛委指揮一員所

千百戶一員專管孳牧其搭配科駒起解比較等項悉照民間事例 洪武二十三年令飛熊廣武英武等衛

每五戶養馬一匹 永樂十四年令薊州山海諸衛屯

軍每人養種馬一匹免納子粒 宣德七年令法司及

陝西布按二司雜犯死罪應充軍者發陝西行太僕寺

養馬 正統六年令征戰走傷馬匹驗視明白分給各

衛守城官軍牧養遇倒死埋瘞 成化七年奏准天下

衛所孳牧馬匹有埋沒者俱照原額買補令軍餘朋合

領養

已上軍衛孳牧

正統十四年令順天府所屬州縣寄養各處起解備用
馬匹照北直隸事例論銀分依其本府各州縣原領孳
生種駒改撥直隸永平等府空閒人戶其備用馬歲取
二萬匹北直隸河南山東取七分南直隸三分俱限八
月以裏解部發太僕寺驗印給俵或遇法司送到贓罰
入官馬牛驢騾驗堪用者亦照此例 成化二年奏准

南直隸起解寄用備用馬有矮小不堪及不足數者每匹徵銀十兩解部發太僕寺收貯以備收買 二十一年奏准南京太僕寺所屬地方備用馬匹從各府州縣徑解北京交俵如有拖欠及補完之數仍行南京太僕寺照查 弘治三年會議備用馬匹歲取一萬匹直隸河南山東并南直隸徐州所屬俱解本色內永平府折色本色中半廬州鳳陽三府滁和二州解本色七分折色三分淮揚二府應天江浦六合二縣解本色四分折

色六分應天府上元等縣鎮江太平寧國所屬俱解折
色凡寄養馬倒死告官給印信文帖相視開剥如無
文帖而開作倒死者以盜賣論

已上京府寄牧

洪武二十三年令五軍都督府錦衣旗手虎賁左右興
武鷹揚金吾前後羽林左右龍驤豹韜天策神策府軍
左右前後等衛各置草場於江北湯泉滁州等處牧放
馬匹二十五年罷民間歲納馬草凡軍官馬令自養

軍士馬令管馬官擇水草豐茂之所屯營牧放 三十
年定北邊牧馬草場自東勝以西至寧夏河西察罕諾
爾東勝以東至大同宣府開平又東南至大寧又東至
遼東又東至鴨綠江又北去不止幾千里而南至各衛
分守地又自雁門關外西抵黃河渡河至察罕諾爾又
東至紫荆關又東至居庸關及古北口又東至山海衛
凡軍民屯種田地不許牧放其荒閑平地及山場腹裏
諸王駙馬及軍民聽其牧放樵採在邊所封之王不得

占為已場妨害軍民 永樂二十二年令戶部錦衣衛
各委官查勘五府牧馬草場有妨占民田處所另撥官
地與民為業 永樂以後錦衣旗手府軍左金吾左右
大興左羽林燕山左右前忠義左右前後義勇左右中
中前後神武左後大寧中武成中寬河會州蔚州龍驤
富峪裕陵茂陵等三十一衛五軍三千神機等營各置
草場於順天保定等府宛平大興等縣牧放騎操馬匹
每歲春末夏初各營馬匹除例該存留聽用外其餘本

部推舉坐營官一員具奏請勅管領下各該草場牧放至九月終回營具牧馬每三日演習一次下場之後本部行移該科及都察院具奏差官點閘馬匹倒死官軍逃亡領勅官按月造報如有納賄賣閑不行提督致馬瘦損者點閘官指實參奏其在邊者以四月中出牧九月初回營 成化四年令北直隸京師附近係官草場不許內外官豪勢要妄指求討托故投獻違者許科道官糾劾及各衙門追究治罪 六年令德州天津各衛

逃故軍人遺下草場為附近軍民盜耕布種者退還官
每畝量追花利草三十束不願者每束納銀三分准作
遠地拖欠之數照依時價支給京操上直官軍買草餵
馬以後年分但有拖欠草束俱照例准折 十年令陝
西榆林等處近邊地土各營堡草場界限明白敢有那
移條款盜耕草場及越出邊牆界石種田者依律問擬
追徵花利完日軍職降調甘肅衛分差操軍民係外處
者發榆林衛充軍係本處者發甘肅充軍有毀壞邊牆

私出境外者枷號三箇月發落 弘治九年令給事中御史并戶兵二部委官清查各衛草場有草未墾去處仍舊牧馬已墾成田者照畝收銀解送兵部轉發太僕寺寄庫聽候買馬 又令錦衣衛草場地畝徵收租銀許本衛收貼貼補馬草

已上營衛放牧

洪武榜例凡倒失馬匹從民議和或一縣或三五羣長贖價買補三歲以上八歲以下高四尺以上堪中馬匹

還官聽候驗印作數違錯及遲延者一體追駒 宣德
二年令民間起解備用馬中途瘦死及邊軍孳牧倒死
者俱免陪補 天順二年奏准各營騎操馬遇有倒死
者告官相剥坐營官責限該軍朋合買補走失被盜一
例追陪 成化元年令各處買補孳生馬駒有司四匹
軍衛五匹折買堪操驕馬一匹以充備用例後倒失者
騾駒三匹兒馬二匹各折買驕馬一匹騾駒每二匹折
買兒馬一匹 七年奏准各衛軍餘關領馬匹倒死以

物力等第出銀每馬一匹上戶出銀三兩中戶二兩下
戶一兩餘以屯田子粒銀貼湊買補 十三年奏准京
營馬隊官軍朋合出銀遇馬匹倒失貼助買補凡馬主
係都指揮者出銀三兩指揮二兩五錢千百戶鎮撫二
兩旗軍一兩五錢走失被盜者各加五錢謂之椿頭其
朋合每歲以六箇月為率每月都指揮出銀一錢千百
戶鎮撫七分旗軍五分外各邊悉照此例 凡各營
下場及各邊倒失買補馬匹不及八分者領勅及把總

管隊官住俸追買其在京不下場者以五分為則弘
治二年奏准買補騎操馬匹須四歲以上八歲以下價
自十二兩至十五兩官軍自願添價收買者聽三年
令寄養備用馬倒死買補不及五分者掌印管馬官俱
住俸追補六年奏准各營朋合買馬銀兩不敷每馬
一匹聽支草場租銀三兩貼助九年奏准各處倒失
馬駒應買補者遇孳生蕃息之時量徵價銀解京以備
各邊買馬之用大馬一匹徵銀五兩駒一匹倒失者徵

銀三兩虧欠者二兩 凡騎操馬匹原領者以承領日
為始買補者以印烙日為始計在十五年外許賣銀納
官另給其未及十五年而病者亦准賣仍追本身椿頭
銀貼價買補 凡各營馬買補三分不完者把總等官
住俸一月四分以上兩月五分以上三月坐營官通計
三分不完者住俸一月五分以上兩月 凡府州縣買
補馬匹不及五分者正官住俸一月不及四分者兩月
不及三分者三月京縣不拘多寡止住一月其管馬官

不及五分者全住 凡孳生種駒已有六年會議定額其各處議合買馬銀兩通行停止有司官吏分毫不許擅科

已上買補

凡孳生備用騎操折易并進納馬匹俱印烙以防奸弊其孳生及陪納馬駒應交俵者印訖差官照依地方日期將空間增出人丁俵散領養造冊具奏其各處印中備用馬匹徑解本部發太僕寺交納以憑散俵 洪武

舊例江南馬每年三月初一日赴南京牧馬千戶所印
俵江北馬每年三月十五日赴南京太僕寺印俵凡孳
生駒用云字小印俵散作種用大印給軍騎操者再用
云字印 宣德八年奏准江北陪補馬駒俱從南京太
僕寺印烙 正統四年奏准應天鳳陽等處孳生陪補
馬駒南京太僕寺官同南京兵部委官及御史分投印
俵 九年奏准鎮江府所屬地方馬匹於本府應天府
所屬於牧馬千戶所太平寧國廣德州所屬於太平府

印依 成化十六年奏准凡馬非經官印驗者不收

二十一年奏准買補備用免其用印止令起解以備選

擇 弘治二年奏准孳牧備用牛每三年一次差官印

烙 四年奏准凡印烙馬匹民馬照舊印左給軍則印

右如京營邊關馬無右印即係盜買民間官馬追究問

罪 六年令孳生兒駒看驗不堪及騾駒多餘者俱免

印烙從其變賣以充買補備用之數 九年令孳生駒

齒少力强而不及四尺以上者亦聽印依凡解俵馬以

百匹為率退三十匹以上者該管寺丞參問 凡印馬
官舊例本部請旨點差公侯伯或駙馬一員本部委官
一員景泰間革去侯伯等官差御史二員同兩京太僕
寺分管寺丞印依天順初復差公侯伯及御馬監內官
一員成化以來革去內官侯伯每歲九月中請旨差御
史二員同該管寺丞分行印依

已上印依

洪武榜例各衛所府州縣管馬官員職專提調馬匹不

許管署衛所府州縣事務及別項差占 永樂十一年

令御史同錦衣衛官巡視官軍放牧馬匹 宣德四年

禁官軍人等不許將官馬閒時帶鞍坐馱載物件兩人
共騎及婦人騎坐違者御史給事中同錦衣衛官拏送
本部罰馬一匹仍送法司問罪 凡盜賣官馬者追罰

馬二匹知情和買牙保隣人各罰馬一匹宰殺及偷買
官驢者亦照此例首告者於犯人名下追鈔五千貫充
賞凡巡馬官每三月一換 七年令外衛官軍原領騎

操馬匹下班之日不許帶回 九年命兵部官同御史
給事中點視征操馬匹借點及借與者共追馬一匹馬
無見在及隱瞞不報者查追仍勘其冒支草料加倍追
納 天順二年令官軍人等強奪起解馬匹者問罪罰
馬一匹仍枷號一箇月 成化元年令下班官軍應充
馬匹而私自騎回者罰馬一匹 四年令官軍勇士私
賣官給草料致馬匹瘦死者巡緝官緝拏并買主送問
六年令管軍官將官馬撥送與人跟隨迎送或識字

人騎占聽候并賃借與人致令傷死者問罪照宣德四年例罰馬入官在外各邊並照此例 十年奏准各處解馬赴京有兜攬價直將老馬攙雜驗印者事發俱問罪發邊衛充軍其起解馬除例應折納外有齎價赴京通同收買者問罪 弘治二年奏准官司借用寄養馬二匹者罰一匹五匹者罰二匹年終分管寺丞具有無追罰數目奏報 三年奏准管軍內外官私占官馬及借撥與人者五匹以下降一級以上降二級俱發邊衛

立功借者一體論罪 凡把總等官剋減官馬草料者計賊滿貫發邊衛立功滿日就彼帶俸盜賣者發瞭哨買至料豆十石以上者充軍 凡寄養馬除年老外其餘作踐成疾不堪給軍者原領人戶追罰銀二兩盜賣三匹以上者充軍知情和買者民發擺跼軍發邊方瞭哨 五年奏准各邊軍民將不堪馬匹設計中賣及管軍官以私馬依與軍士多支官價者官軍調邊衛帶俸食糧民及餘丁附近充軍通同作弊者枷號一月發落

九年令借撥官馬至瘦損倒死州縣五十匹府二百匹以上借者及管馬官各降一級 十年令管馬官撥借官馬馱載圍獵者五匹以下罰馬一匹以上罰二匹十匹以上罰三匹傷死者五匹以下降一級六匹以上降二級馬各抵數追償 十四年奏准官軍關支馬料委官一員管領若縱容盜賣者發邊衛立功滿日就彼帶俸買者問罪畢日枷號一箇月發落

已上禁約

洪武榜例凡管馬官吏時常下鄉提督看驗馬匹要見定駒若干顯駒若干重駒若干明白附寫以俟太僕寺官出巡比較正月至六月報定駒七月至十月報顯駒十一月至十二月報重駒凡季報原領馬為舊管買補孳生為新收事故交俵等項為開除季終為實在春季三月二十四日五夏季六月二十四五秋季九月二十四五冬季十二月二十四五徑送太僕寺類繳其有生質奇異與種馬不同者明白申報凡比較點馬文簿要

開原領孳生兒騾馬數分豁該美駒者若干不該美駒者若干已生及未生者若干原馬齒色及所生駒毛色逐一開報凡倒失種馬虧欠馬駒俱在年終完備如是不完府州縣正佐首領官吏決杖二十管馬官吏加等痛治凡管馬官有闕茸貪污害民者分管及所在掌印官開奏以除民害 永樂三年令衛所孳牧騎操馬匹每三年一次造冊管馬官齎執赴京比較 成化二年奏准管馬官三年任內孳生不虧者稱職額外多生者

量加旌擢不及額至百匹者降用分管寺丞以所屬課額虧損遞為黜陟 凡京營及各邊騎操馬匹專差太僕寺少卿一員無太僕寺去處從巡撫并分巡官比較如有倒失限三月以裏督令陪償 七年奏准府州縣掌印首領官任內馬匹虧欠孳養不增者九年不准給由措置完日與管馬官一體降用衛所掌印官馬數不完許分管寺丞與本部委官一體比較 十三年奏准各營各邊每年四月十月二次將原領事故買補馬匹

數目具奏以憑比較 十四年奏准比較馬政兩京府
尹府丞聽納米贖罪 弘治二年奏准每二年差太僕
寺少卿二員南京太僕寺少卿一員分往北直隸河南
山東南直隸地方比較該納馬駒每歲終分管寺丞具
管馬官賢否呈部六年之內馬匹無虧者量加旌擢以
外虧損數多照例黜罷 三年順天府所屬寄養馬匹
專差太僕寺少卿一員比較 四年奏准衛所騎操馬
免比較其有孳牧去處照例每三年委官赴部比較凡

虧欠埋沒違限等項參奏提問 凡遼東陝西苑馬寺
孳牧馬匹每三年一差官點閱其各行太僕寺苑馬寺
於內府關領精微文簿將騎操孳牧馬匹逐一填寫繳
部送內府交收

計每年比較地方

太僕寺所屬

南京太僕寺所屬

計三年比較地方

遼東苑馬寺所屬

山西行太僕寺所屬

陝西行太僕寺所屬

陝西苑馬寺所屬

甘肅行太僕寺所屬

南京應天衛

南直隸宣州衛

山東

濟南衛

平山衛

登州衛

寧海衛

成山衛

鰲山衛

靈山衛

安東衛

威海衛

大嵩衛

濟寧衛

臨清衛

靖海衛

奇山千戶所

寧津千戶所

海陽千戶所

膠州千戶所

諸城千戶所

東平千戶所

肥城千戶所

浙江

盤石衛

海寧衛

江西

袁州衛

饒州千戶所

廣東

雷州衛

廉州衛

四川

成都衛

成都中衛

建昌衛

建昌前衛

寧番衛

越嶲衛

會川衛

鹽井衛

湖廣

武昌衛

武昌左衛

靖州衛

五開衛

沅州衛

九溪衛

長沙衛

清浪衛

黃州衛

銅鼓衛

永定衛

蘄州衛

平溪衛

永州衛

衡州衛

辰州衛

岳州衛

沔陽衛

常德衛

鎮遠衛

偏橋衛

施州衛

澧州千戶所

荊州衛

荊州左衛

荊州右衛

襄陽衛

安陸衛

房縣千戶所

竹山千戶所

枝江千戶所

長寧千戶所

瞿塘衛

夷陵千戶所

德安千戶所

忠州千戶所

雲南

雲南左衛

雲南右衛

雲南中衛

雲南前衛

雲南後衛

廣南衛

曲靖衛

六涼衛

平夷衛

越州衛

臨安衛

楚雄衛

洱海衛

大理衛

大羅衛

蒙化衛

景東衛

瀾滄衛

金齒衛

騰衝衛

楊林千戶所

馬隆千戶所

木密關千戶所

宜良千戶所

安寧千戶所

易門千戶所

已上比較

關換

諸司職掌

凡官軍關撥馬匹操練行移到司須要該衛官吏保結
關馬官軍原有馬匹下落果係曾經征進慣戰人數及
無馬匹方纔具奏關撥後有事故該衛拘收還官其官
軍人等奉旨關撥馬匹亦須備知數目

事例

洪武間凡各衛原關馬騾驢轉名銷號若係御馬監關
領者該府各衛自具手本赴監轉名銷號如是典牧所

太僕寺關領之數各府衛取勘明白本部轉行太僕寺
典牧所銷號 永樂四年令管步軍官告關領者不准
有騾馬與兒馬願換者聽 宣德四年置給馬勘合每
關馬一匹給勘合一道填寫齒色年月付領馬之人收
執遇倒死等項陳告註寫應償者追視齒色附簿開註
勘合與馬如前收領再有事故照例償給如領馬之人
收領凡應償者仍赴御馬監印烙然後給與 正統四
年奏准官軍領馬騎操必行本衛造冊送部并太僕寺

外衛操備者行該府造冊關領 天順元年奏准各營

外衛官軍原領騎操馬匹下班之日充與在京官軍該

管官造冊送部 二年奏准官軍領馬太僕寺具俵過

數目毛齒及官軍姓名年月行各衛造冊送部如關領

數多開報數少或倒失轉交隱匿不報者諸司人首告

拏問 成化二年令勇士馬倒死二次者不許重關照

京營例追補 弘治元年奏准南京官軍應關馬匹在

江北者赴南京太僕寺給領在江南者本寺委官一員

赴南京給散 四年奏准領馬官有不照次第混亂爭奪者參究法司問罪罰馬一匹就給本身騎操以後更不關給 七年奏准官軍應關馬匹兒馬自八歲以上駟馬十二歲以上別無傷殘者並准給領各衛及邊關亦照此例凡各邊缺馬騎操奏關銀兩收買者本部委官一員同大僕寺官於收貯馬價內照數支出差官運赴鎮巡官處交收 凡騎操馬老病當關給者原馬送光祿寺支用

折糧

諸司職掌

凡各處起解折糧馬匹到部須令獸醫辨驗明白具奏送御馬監交收

事例

洪武中各處土官衙門秋糧各依原認數目折納馬匹有糧二十五石有餘折馬一匹者有五十餘石折馬一匹者馬或不堪責令差來土官陪納

收買

諸司職掌

凡官給價鈔於各處收買并茶易到馬匹或就彼處給軍騎坐或起解赴京交納須知其數

事例

洪武中立茶馬司於陝西四川等處聽西番納馬易茶降金牌信符賜番族以防詐偽每三年一差官召各番合符以應納差發馬交納易茶有以私茶出境者斬關

隘不覺察者處極刑民間畜茶不得過一月之用茶戶
私鬻者籍其園入官二十三年定茶易馬例上等馬
每匹一百二十斤中等馬每匹七十斤下等馬每匹五
十斤永樂十三年遣御史三員巡督陝西茶馬正
統十四年停止茶馬金牌後每歲遣行人四員巡察私
販自潼關以西至甘肅等處通行禁革成化十四年
奏准定差御史一員領勅專理茶馬每歲一代其易馬
須四歲以上六歲以下高大堪中者方准收買兒驕馬

就彼給各邊騎操騾馬送苑馬寺孳牧如有縱容軍民
通同賣老病馬匹者御史同兵備及苑馬寺官驗視退
回仍指實參奏 弘治十年奏准茶易馬除就彼給軍
外其餘差官陸續解赴苑馬寺交割俵養

已上西番茶易

內府供應

事例

凡壩上諸馬房各有乳馬以供上用膳羞如有老疾倒

死本部奏行太僕寺撥補 永樂舊例每歲于陝西茶
易馬及孳生馬內選取堪中騾馬送御馬監分送各馬
房領牧以便取乳 天順元年奏准歲選孳牧騾馬五
百匹 成化九年定取初生騾馬每年一百匹 弘治
九年奏准每歲取五十匹

力士校尉

諸司職掌

凡力士校尉俱係隨駕人數於民間丁多相應人戶內

僉點有力精壯無過犯體氣之人應當皆撥錦衣旗手等衛著役如有事故即照原籍另戶僉補如解到部照依所補姓名送發該衛果係在逃正身就送該衛發落若正身不獲解到戶丁照地方發遣充軍仍挨勾正身

事例

凡力士舊隸旗手衛今亦隸錦衣及騰驤四衛校尉止隸錦衣衛 凡力士校尉係民間僉充者例不勾丁如有老疾聽于歲終具告本部行該衛勘明具奏釋放若

逃回疾故或老疾不堪者仍勾其戶丁補當一輩若係原祖充當而在逃者發冊清勾到部送問發衛著役原逃事故解到戶丁補役者發衛查收凡四丁抽僉者病故俱勾補凡力士校尉病故或老病不能應當其子孫告替補者行移該衛查係在營生長冊籍有名無遺碍者具奏收役雖例不勾丁而子孫願替補者亦准查收凡民人投充力士校尉者行原籍官司查無違碍方准收役凡人材不識字者改充力士校尉女戶欽

陞官員子孫例無承襲者將軍子試量身力不及者俱收充校尉 凡遇親王出府行錦衣衛撥隨侍校尉六百名郡王出閣行各該護衛撥校尉三十名無護衛于各衛軍餘及民間僉點其將軍以下撥儀從二十名不得用校尉 弘治七年奏准親王隨侍校尉至就國之日聽以一半從行于附近衛所撥軍餘補數其一半存留在京以備各王出府聽用 凡各王府校尉除欽賜外其民間投充者止免差役不許支糧 十三年奏准

凡校尉事故須籍冊內親子弟姪替補若將別姓詐冒
替補者問罪官旗調外衛差操冒替之人亦調衛充軍
凡校尉犯該一應姦盜搶奪駭騙恐嚇求索枉法不
枉法等項罪名俱係行止有虧者俱調衛充軍 凡詐
冒校尉巡捕名色占宿公館妄拏平人嚇取財物生事
扇惑擾害軍民者除真犯死罪外其餘俱枷號一箇月
發邊衛充軍所在軍衛有司驛遞等衙門阿從故縱者
各治罪

明會典卷一百二十二

欽定四庫全書

明會典卷一百二十三

兵部十八

武庫清吏司

諸司職掌

郎中員外郎主事掌邦國戎器儀仗辨其出入之數

軍器

諸司職掌

凡內外官軍合用衣甲鎗刀弓矢等器必須總知其數如遇各衛移文到部申索轉行工部定奪關撥

事例

凡侍衛大漢將軍披執明盔四十八頂明甲二十四副紅肩纓二十四副金瓜四十八把茜紅雨籠二十四箇茜紅氈襖二十四領旗將軍明甲八十四副尖頂明盔八十四頂紅肩纓八十四副紅滾刀二十八把瓜五十
六把摩挲刀五十六把茜紅雨籠八十四箇茜紅氈襖

八十四領五軍將軍尖頂明盔二百五十四頂盔攢
全明甲二百五十四副肩纓絛號全硃紅靶滾刀二百
三十七把鞞帶全摩挲刀四十五把鞞帶全金瓜四十
把紅漆皮盔七百二十三頂盔攢全青布絛穿甲七百
二十五頂長柄黑刀三十九把鞞帶全長柄紅刀五十
九把鞞帶全腰刀五百五十三把鞞帶全鵝頭刀三
十七把鞞帶全來昔刀二把鞞帶全弓五百二十五張
弦五百二十五條撒袋五百二十五副鞞帶全箭一萬

四千七百五十枝茜紅盔籠二百五十四箇茜紅氍襖
二百五十四件府軍衛帶刀官紵絲帛線甲四十副摩
挲刀四十把圓子官軍叉五百把滾刀五百把硃紅皮
盔一千頂青布鐵甲一千副通計二萬三千九百三十
七件皇城內外并京城各門守直守衛守鎮官軍披執
盔甲鎗刀等器共二萬八千三百五十二件其侍衛將
軍并園子手軍器俱三年一次兌換守衛等項官軍軍
器牛門等門一面每年一次兌換東華西華玄武等門

三面二年一次兌換

凡團營官軍披執操練盔甲弓箭等項軍器成化間令各該坐營官委官會造寄庫有警徑自奏請支用

凡京門九門并城上常川擺列張掛軍器正陽門神銃六箇長鎗二十根滾刀十八把門旗四面崇文宣武等八門每門神銃六箇長鎗六根滾刀十四把門旗二面更鼓各一面共三百六十一件城上布旗大小共二百七十六面拽旗繩并批竿纓頭全遇有損壞不堪守門

內外官徑自奏請兌換

凡海運隨舡軍器洪武間定每舡黑漆二意弓二十張
弦四十條黑漆鈚子箭二千枝手銃筒一十六箇擺錫
鐵甲二十副碗口筒四箇箭二百枝火鎗二十條火攻
箭二十枝火叉二十把蒺藜砲一十箇銃馬一十箇神
機二十枝

凡各邊合用盔甲弓箭等項軍器俱於各處都司所屬
衛所歲造數內關用如果不敷及軍情緊急添設者赴

京請給

凡勝字天威并列字等號神鎗神銃等項火器俱係內
府兵杖局掌管都司衛所季造止是編降字號手把銃
口其各邊城堡所用大將軍二將軍三將軍并手把銅
鐵銃口一出頒降若銃口損失并給用不敷者鎮守巡
撫官具數會奏方許自造若一時急缺奏請亦從內府
頒給

勘合

諸司職掌

凡本部應有行移并催攝一應公務須將出事緣由開
寫手本赴內府關填勘合照會各布政司劄付直隸府
州務要將坐去事件施行作急回報每遇年終查得但
有未完事件將各司府州承行官吏具奏提問務要完
結

事例

洪武間每布政司并直隸府州各給勾軍勘合一百道

底簿二本都司收勘合并底簿一本一本發布政司直隸府州凡遇勾軍都司填寫勘合差人贖付各該官司比對字號着落有司勾發所差人員不許下鄉若遷延占愆罪坐有司直隸衛分一體編置年終都司衛所將本年勘合分豁已未完數造冊進繳若齋無勘合文書勾軍及有司承行者依不比關關防勘合例治罪其在京衛分兵部關給正統初勾軍止據各衛所造冊申部轉發清勾不用勘合 永樂七年令紫荆居庸古北喜

峯董家山海等六關各給勘合一百道以禮樂射御書
數字為號北京留守行夜軍都督府行在兵部皆用印
鈐記兵部底簿勘合送內府都督府底簿付關口各邊
公差者必得內府勘合照驗方許出關無者從守關官
執奏各邊調軍勘合以勇敢鋒銳神奇精壯強毅克勝
英雄威猛十六字為號并底簿留內府給號簿一本與
邊將遇有制勅調軍比對勘合字號相同方許奏行如
有制勅而無勘合有勘合而比號不同者皆為詐偽


給聚

諸司職掌

凡文武官員并軍士人等搬取家小完聚行移所在官司起取審實送發完聚或有陳告父母兄弟伯叔子姪先因遠年兵革離散今知下落告取完聚須要行移所在官司體勘相同以憑給聚具有應給之人見當軍役具奏定奪及軍屬寡婦還鄉行移應天府給引照回

事例

洪武間令武職有伯叔兄弟及姊妹之夫在行伍者皆
與給聚分俸養贍 宣德初令被虜回還留京充役者
其原衛見有父母妻舅許令搬取完聚



欽定四庫全書

史部

明會典卷一百二十四
七

詳校官編修_臣裴謙

編修_臣程嘉謨覆勘

總校官知縣_臣繆琪

校對官中書_臣高 中

謄錄監生_臣朱上林

欽定四庫全書

明會典卷一百二十四

兵部十九

根捕逃軍勾補軍士

國初逃故軍役根捕勾補具見諸司職掌宣德初又有
畫一條例正統以來累有增損今條具於後其有係職
方司所掌者別開于職方之下

諸司職掌

凡各衛所開報逃故并老疾勾丁代役軍人先須查對鄉貫住址明白具手本赴內府給批差人前去着落有司官吏逃軍根捉正身如正身未獲先將戶丁起解補役仍根捉正身補替其故軍勾取戶內壯丁補役如別無壯丁止有幼小兒男取官吏保結回報行移該衛照勘相同紀錄候長成勾補若送回老疾軍人就留原籍住坐將戶下壯丁起解替役如勾無戶籍或住址差拗名姓不同或係另籍民戶及有戶絕無丁有司體勘回

申到部行移該衛照勘在營有無長幼人丁并着落原
管官旗務要挨究明白回報定奪勾補若衛所官吏并
老疾軍人朦朧妄報依律問罪如原勾軍數不完及勾
到軍人中途在逃仍着落原差人員前去勾捉若在外
遷延違限送法司問罪

明令

凡軍民以籍為定軍官頭目無得巧立名色徑行勾捉
百姓充軍民戶亦不得詐稱各官軍人貼戶躲避差役

果有在逃軍人在內申奉都督府在外申奉中書省明
大方許勾取

事例

洪武二十一年令各衛所將逃故軍編成圖冊送本部
照名行取不許差人各府縣類造軍戶文冊遇有勾丁
按籍起解 二十二年令各處逃軍能擒獲一名者賞
鈔三十錠隱藏出首者二十錠見在軍知而首者十錠
為事充軍逃回捕獲者五錠隱藏及轉送者全家發金

齒充軍逃軍自首者免罪復役官吏不即起送縱容害
民者處死 二十三年令生員應補軍役者除詔遣歸
卒業軍士借撥征進事故者征進逃故軍男年一二歲
者流民全戶充軍病故者俱免勾丁 二十四年令梁
集軍故戶止一丁者勾有丁貼戶起解軍去原衛遠者
解京該府遣人押送若路順及與京師道里均者從便
解發 二十七年令武職充軍病故子襲原職者開伍
二十九年令梁集軍有幼男在伍者免勾丁生員應

起解者送翰林院考試成效者開伍發回讀書不成者
照舊補役 三十五年定梁集軍正軍貼戶造冊輪流
更代貼戶止一丁者免役當軍之家免一丁差役 永
樂二年令坐勾軍有見任文武官及生員吏典等戶止
三丁者免勾四丁以上者勾一丁補伍 十七年令勾
軍人違限半年以上者充軍 洪熙元年令軍役丁盡
戶絕者具官吏結報該衛轉行府部開豁先為事充軍
後薦起為官者不拘見任致仕病故俱免補伍 宣德

元年奏准凡逃軍三月不首者并里鄰人等問罪就點親鄰管解窩家發附近充軍係軍籍者發邊衛能自首者止罪逃軍遞送隱藏者烟瘴衛分充軍官司故縱者論如律 凡逃軍未獲起解戶丁若清冊未到之先獲解而未至衛所者仍選戶丁解查未到即收補伍候正身到日釋放寧家 凡逃軍不許以告狀為由遷延生事有應訴事情令家人代理若長解人中途侵損許告所在官司究治仍速將逃軍接遞 凡軍戶有丁而偽

作無勾者許改正免罪仍扶捏回申者軍發邊衛里隣
發附近充軍 凡起解逃軍戶丁須量地立限遞解若
長解縱容違限半年以上者依律問罪一年以上者發
附近充軍犯人發邊遠充軍 凡起解自首并補役軍
丁出一千五百里之外者經過有司每人日給行糧一
升過期不與不首逃軍及腹裏衛分不及千五百里者
不在此例 凡勾軍人違限過一年者許巡按按察司
官拏解赴京問罪違法情重者不限年 三年奏准凡

軍逃還鄉有詐死更名充吏卒僧道等項及隱寄丁口
立戶地方者並許自首改正其詐稱名目寄住影射致
原籍本衛兩無挨尋者追獲自首俱收寄本處衛所他
人告發者與窩家里鄰官吏人等俱照例問罪仍追本
犯銀十兩充賞 凡軍戶有充糧里老人賄賂官吏及
勾軍之人朦朧保勘或里老亦係軍戶遞相欺隱者並
許改正違者正軍發原衛戶丁再罰一丁發附近充軍
凡山西等處抽丁等軍有賄賂官吏將幼弱私自輪

替者許原籍完補同伍指陳并事內作弊之人依律問罪 凡軍士全家逃竄里鄰知而容隱者限半年首獲過期事覺軍發邊衛里鄰發附近充軍 凡因充及調衛軍問招吏調有更易名貫隱匿丁口者其後逃故衛所行拘有司回無名籍似此迷失者並許自首免罪若他人發覺軍調烟瘴衛分仍選戶丁補充原伍 凡紀錄軍年應赴伍而衛所在千里之外者許於附近收役行原衛開伍 凡起解軍多給家人文引照身逃回者

限三箇月自首違者發邊衛充軍仍勾戶丁補原伍里
鄰及官吏論罪 四年令在京各衛軍本部委官同給
事中御史清理 凡軍有征差等項死亡不明槩作逃
移者保勘問豁其不知下落經三次以上保明者依故
軍例停勾 凡勾軍不許泛遣孤單無籍之徒如違限
二年以上者官員追俸旗軍選戶丁補伍再限一年以
所勾軍赴京違者全家調別衛其勾軍須填勘合不許
以關牒批帖徑行有司 凡應勾軍有賂官吏隱蔽壯

丁以家人女壻之類冒名代解者奸民私通軍士招贅其戶丁及過房典賣影射徭役者並許改正歸宗違者官吏坐罪本犯全家調別衛充軍代者就收補原伍如果無壯丁方許以少壯義子及同籍女壻補役凡應繼壯丁故自傷殘肢體者許鄰里孥首全家發烟瘴衛所充軍凡軍戶踈族及異姓人舊為同籍分析後充軍者止於有罪人戶下勾丁若聞親屬充軍妄為文恐作分戶在家及祖孫父子異居并食糧年冬者不許若

同籍人生前各自充軍有故儘本房勾補無則以他房
三丁以上者補役不及三丁者以其本房丁盡事由行
本部開豁 凡招募諸色人係全戶充軍有故照名勾
補者先以一人解發其實有戶丁申部議奏處分 凡
正軍在營有丁不許於原籍勾取如已行文有司覈實
回報本衛以在營之丁收役 凡義男女壻有代義父
妻人之家為軍者有故止於義父妻人之家勾取如係
戶絕覆實開除若出幼過房出贅各家俱屬正軍無丁

者宜以妻父義父之家為戶絕還繼本宗如本宗係戶
仍補義父妻父軍役其官員軍民之家有家人義男女
壻之類自願投軍或為事編發者有故止於其人本房
勾補本房已絕覆實開除 凡故軍戶止一丁充生員
者照洪武二十九年例考試開豁 凡僧道為事充軍
故者免勾丁若故軍戶止一丁在充軍之先為僧道者
覆實開豁在後者仍發充軍 凡丁盡戶絕軍及山後
人查無名籍者軍衛有司會勘造冊繳部開豁 凡逃

軍每季半年一類勾死亡及殘疾者歲一類勾 五
年令應充軍之人有父母年七十以上及篤廢殘疾者
許於附近衛所收役 七年令故軍戶止一丁為見任
官者聞伍 正統元年奏准凡內外都司衛所不許填
給勘合差人勾軍止以遞年逃故等軍姓名貫址造冊
繳部轉發御史按籍清勾其清軍御史按行所至司府
州縣各委官一員將應勾軍丁分投清解御史往來巡
督除軍政外一應詞訟發該管衙門問理每歲八月終

照巡撫官事例具清解過軍數回京如有窒礙事理會
議奏請 凡解軍丁逃軍須連妻小同解違者問罪無
妻小者解本身 凡抽丁聚集軍先前私自輪替者選
壯丁連妻解衛果有老疾等項方許替勾 凡被勾貧
軍挈家流移招回復業者該解軍丁俱候次年一起發係
原逃者不准如止附近潛躲者依律究問 凡起解軍
先過該管都司者即於本司交割先過本衛者交本衛
官吏隨與批迴有留難者從御史究問批迴詐偽者有

司辨驗問罪 凡內外衛所官有將殷實軍占作軍伴
賣放買閒新勾軍不行存卹抑逼在逃者軍士事故管
軍官不將在營人丁收補及以見役軍妄作事故者清
軍官具奏提問 凡逃軍及已解軍在家潛住者父祖
充軍子孫畏繼於別州縣過繼作贅冒籍而以丁盡戶
絕回申或充軍在役而原戶人私開作民戶者並限兩
箇月具首免罪如違軍杖一百發烟瘴衛所里鄰人等
發附近充軍 凡浙江并江南直隸等衛所清出帶操

軍士除原係廣西南丹奉議潯州等衛者發回原伍其餘悉收充正軍行部轉行原衛開伍若先在逃者仍發原衛附近不許擅收 凡勾軍人潜回原籍糧里容留者照窩藏逃軍例問發 二年議准凡逃軍殘疾并年六十以上者收贖依親別選戶丁解補如止有幼丁照例紀錄 凡逃軍未獲暫勾戶丁發旁近寄操者正犯到日即與開除 凡軍人中途病故解人即告所在官司相理官給文憑付解人送妻小復還復原籍別選壯

丁解補 凡軍籍丁盡戶絕已經三次回申者即與除
豁不許發冊重勾 凡兩司府州縣清軍官專一清理
軍伍毋干預他事其宣德五年以後逃軍及勾取戶丁
妄比事例輒投附近寄操者俱收發原伍 凡逃軍軍
丁解後復逃者連妻小押赴原衛如解人脫放就發補
本軍原伍本軍得獲發邊遠充軍其軍丁已解清冊後
到者取鄰里保明行衛查勘不必重解戶丁 凡勾補
軍丁在逃解人發附近充軍者事故免勾丁 凡妄指

逋年民籍作軍戶者諸司不許准理 四年令北人充南軍南人充北軍除遼東萬金山西陝西等處邊衛逃軍及近年土豪鹽法編發充軍不動外其餘清出軍丁各就地方改解附近衛分若南人充南軍北人充北軍不在改調之例

計改調衛所

北直隸

順天府調三萬衛

大名府調定遼中衛

順德府調定遼左衛

廣平府調定遼右衛

河間府調鐵嶺衛

真定府調義州衛

保定府調瀋陽中衛

永平府調遼海衛

南直隸

鳳陽府調宣府左衛

揚州府調宣府前衛

淮安府調宣府右衛

廬州府調萬全左衛

徐州府調萬全右衛

和州調永寧衛

滁州調懷安衛

安慶府調隆慶左衛

已上俱原充兩廣雲貴四川湖廣福建邊海

衛分軍役

應天府調大興左衛

太平府調義勇右衛

鎮江府調義勇前衛

蘇州府調武成中衛

常州府調燕山左衛

松江府調燕山右衛

徽州府調武成前衛

寧國府調武成後衛

池州府調神武左衛

廣德州調燕山右衛

已上俱原充遼東山西陝西寧夏等衛軍役

山東布政司

濟南府調定遼前後二衛

兗州府調海州衛

萊州府調蓋州衛

登州府調復州衛

東昌府調東寧衛

青州府調金州衛

已上俱原充兩廣雲貴四川湖廣福建邊衛

衛分軍役

河南布政司

河南府調萬全左衛

河南府調萬全左衛

彰德府調開平衛

衛輝府調龍門衛

懷慶府調龍門守禦千戶所

汝寧府調來衛

南陽府調美峪守禦千戶所

山西布政司

太原府并沁州俱調大同右衛

平陽府調大同左衛

大同府調天城陽和二衛

澤州調大同前衛

汾州調高山衛

潞州調大同後衛

遼州調安東中屯衛

陝西布政司

西安府調永昌山丹二衛

延安府調寧夏前衛

鳳翔府調涼州衛

鞏昌府調鎮番衛

平涼府調西寧衛

慶陽府調寧夏中衛

漢中府調莊浪衛

已上俱原充南方極邊衛分軍役

廣西布政司

桂林府調潯州府

柳州府調南丹衛

梧州府調巡象衛

潯州府調河池守禦千戶所

南寧府調慶遠衛

平樂府調向武守禦千戶所

慶遠府調南丹衛

太平府調柳州衛

田州府調柳州衛

思明府調武宣守禦千戶所

江州府調慶遠衛

泗城州調懷集守禦千戶所

龍州調南丹衛

南丹州調向武守禦千戶所

廣東布政司

廣州府調南寧衛

惠州府調容縣守禦千戶所

肇慶府調武宣守禦千戶所

韶州府調鬱林守禦千戶所

南雄府調梧州守禦千戶所

瓊州府調灌陽守禦千戶所

潮州府調桂林中衛

雷州府調賀縣守禦千戶所

廉州府調柳州衛

高州府調桂林右衛

貴州布政司

思州思南鎮遠三府俱調赤水衛

石阡銅仁黎平三府俱調安莊衛

普安鎮寧永寧安順四州俱調興隆衛

雲南布政司

雲南府大理府俱調金齒衛

臨安府曲靖軍民府俱調景東衛

楚雄潯江二府俱調蒙化衛

姚安鶴慶武定三軍民府俱調廣南衛

廣西廣南二府尋甸元江二軍民府俱調洱海
衛

金齒軍民指揮司麗江軍民府永寧孟定孟艮
景東順寧五府俱調騰衝守禦千戶所

湖廣布政司

寶慶府調五開衛

辰州調銅鼓衛

衡州調九溪衛

永州府調鎮遠衛

靖州調五開衛

彬州調偏橋衛

常德府調豹韜衛

長沙府調龍虎衛

荊州府調鎮南衛

岳州府調龍江右衛

武昌府調行在府軍衛

黃州府調行在虎賁左衛

漢陽府調行在旗手衛

德安府調行在金吾前衛

襄陽府調燕山前衛

沔陽州調濟州衛

安陸州調濟陽衛

江西布政司

贛州府調廉州衛

南安府調碣石衛

建昌府調和陽衛

撫州府調武德衛

袁州府調水軍左衛

吉安府調水軍右衛

廣信府調應天衛

九江府調行在羽林左衛

南昌府調行在羽林右衛

饒州府調行在府軍左衛

瑞州府調行在金吾後衛

南康府調行在府軍右衛

臨江府調通州衛

福建布政司

福州府調南海衛

邵武府調雷州衛

建寧府調潮州衛

延平府調海康守禦千戶所

興化府調清海守禦千戶所

泉州府調龍川守禦千戶所

漳州府調廣海衛

汀州府調海門守禦千戶所

浙江布政司

温州府調鎮海衛

台州府調鎮東衛

處州府調平海衛

嚴州府調鷹揚衛

金華府調江陰衛

衢州府調橫海衛

寧波府調龍江左衛

杭州府調蔚州左衛

湖州府調神武後衛

嘉興府調神武中衛

紹興府調義勇中衛

四川布政司

成都府調會川衛

重慶府調寧番衛

順慶府調越雋衛

保寧府調建昌衛

叙州馬湖二府調鹽井衛

夔州府調建昌前衛

瀘州府調鹽井衛

潼川州調迷易守禦千戶所

嘉定州調會川衛

雅州調寧番衛

龍州調建昌衛

眉州調建昌前衛

已上俱原充遼東山西陝西寧夏等衛軍

役

十三年令挨無籍貫軍經十次回申者開豁 景泰元年令官軍戶下多餘人丁有例除存留幫貼正軍外其餘俱許於附近寄籍納糧當差中間有一家或三五人十餘人止用一二人寄籍有司其餘隱蔽在家不分年歲久近除其該納糧草仍於有司上納其人丁盡數發回軍衛 天順四年令京軍及邊衛逃軍仍解兵部撥

防軍轉遞其餘及邊衛勾解戶丁徑送該衛交割成
化八年令在京軍每三年一次理各營軍士仍分豁差
遣等項名目造冊備照十年令凡衛所編造軍冊每
年限五月以裏差有職役人員送部違者照官軍馬騾
丈冊例罰米當該官吏論日住俸問罪若造冊三分不
完者官罰俸一月該吏提問如官吏依限發冊而所差
人自違悞者止坐本人十一年令各衛所以原管旗
軍不分見在逃故備開充軍脚色改調緣由并節次補

役姓名通類造冊繳部發御史對查軍民二冊以防欺
隱其冊府州縣各騰一本備照 凡冊勾軍士係本地
者清冊徑送清軍御史仍將底冊繳部存照 凡清軍
以十分為率能清三分以上不枉平民者御史及兩司
官兵部奏請獎擢府州縣官量加俸給不及數并枉人
者御史從都察院考察兩官官兵部參奏府州縣官行
吏部黜責 十二年令調衛軍戶下餘丁寄籍附近有
司者免其起解聽留一丁於有司種辦田糧其餘悉收

原衛所操守如後調衛所缺人行原衛餘丁內取解不
許於原籍勾擾其調衛在千里之內者餘丁照例回營
凡梁集軍有陞官者具貼戶停勾聽繼逐年無勾軍
審究得實行該衛查勘不必起解戶丁 十三年令起
解軍除子孫應繼者令津貼軍裝但有職役者不許勒
取 凡廣西鄰近賊洞處所軍丁有該解遼東等衛并
千里之外者及失迷鄉貫之人願充無勾軍役者俱編
本處邊衛當軍行移原伍開豁 凡收發附近軍士除

天順六年四月十九日以前編定不動外以後告投者
不許其在附近處所逃者依正統二年例連妻小押解
原衛 十九年令騰驤四衛軍士戶統不必勾丁 弘
治十三年奏准京衛及在外衛所解到新軍以投文日
為始不過十日將收管批迴給付長解若刁蹬留難者
該吏軍吏總小旗提問衛所掌印并本管官不拘曾否
得財叅問帶俸差操 凡在京在外衛所親軍官員不
能存卹軍士逼迫在逃及賣放回還者指揮每十名以

上降一級千戶鎮撫每六名以上百戶四名以上依例遞降 凡各處清解軍丁選揀精壯親丁僉點相應長解批內明開相貌年甲在京者起解兩京兵部在外者徑解該衛若不係同宗子孫頂替起解及將長解正身賣放在家執批前來雇人頂名者正軍問調別衛頂軍就收本衛長解并受雇之人及里老鄰佑知情不首者俱發附近各充軍 凡各處解到新軍查無名籍及來歷姓名差拗者俱暫收缺軍所分食糧差操行查至日

另為定奪 凡起解軍士捏買偽印批迴者除真犯死罪外解發人附近軍士調邊衛各充軍 凡應解軍丁除真犯死罪外若犯監守常人盜竊盜拘摸搶奪至徒罪以上者牢固釘解該衛收伍轉發守哨年限滿日着役其犯別項徒罪以上俱止杖一百解發着役 凡官軍軍丁有將戶內弟姪子孫過房與人或官豪勢要和買改易姓名者不分久近許其贖取歸宗聽繼無得占恡其誘買各邊軍丁者發極邊充軍

明會典卷一百二十四

欽定四庫全書

明會典卷一百二十五

兵部二十

雜行

俸給

諸司職掌

凡本部官吏人等并合屬五城兵馬司典牧所大勝關
會同館等衙門官吏俸給每月初明白立案將實支官

吏姓名并該支米數劄付該部填給勘合委官下倉放支如有事故臨倉扣除還官仍將實支米數回呈立案

事例 見吏部稽勲司

印色

諸司職掌

凡本部合用印色支銷盡絕移咨工部轉行該庫放支

事例 見吏部稽勲司

紙劄

諸司職掌

凡本部合用紙劄移咨刑部於贓罰鈔內關支價鈔買用明白立案開銷以憑稽考

事例

見吏部稽勲司

考覈

諸司職掌

凡本部所屬太僕寺并各牧監羣五城兵馬司典牧所大勝關會同館等衙門官吏但有考滿必從本衙門開

報年籍鄉貫脚色職役并行過事蹟到部以憑考覈咨
送吏部定奪

事例

永樂間令凡王府羣牧所千戶首領官比護衛首領官
免其考覈

拘收皮張

諸司職掌

凡軍民官司解到馬騾驢牛等項皮張鬃尾并肉臟變

賣錢鈔到部錢鈔具手本送赴該庫交納皮張鬃尾咨
送工部交收仍取實收附卷

事例

正統間令凡官司倒死馬皮就於所在官庫收貯成造
軍器支銷係蟲蛀不堪者照時估易鈔備用 弘治初
令凡南京典牧所等衙門退出倒死牛犢皮角徑送南
京該庫交收成造軍器不必解京

軍士鹽糧

諸司職掌

凡馬步軍士月支糧鹽并典牧所養馬象人冬夏布匹月支鹽糧遇有公文到部總其名數行移該部放支

事例

宣德間凡在京軍士關支月糧每衛委公正指揮一員專理其事依期關給其新至軍仍令親管頭目即與監支若冒支及容情作弊者糾舉究治其各衛軍士關領賞賜冬衣布花本部委官會同戶部委官給事中御史

各一員給散

詳見戶部度支科

皂隸

諸司職掌

凡各衙門官員合用跟隨皂隸俱於法司取撥笞杖囚人應役必須明立文案簿籍開寫姓名鄉貫應該拘役年月發送某衙門着役遇滿撥替其有在逃即便根捉仍送法司問罪若病故者照名行移法司撥補

明令

凡府州縣額設祇候禁子弓兵於該納稅糧三石之下
二石之上人戶內差點除納稅糧外與免雜泛差役毋
得將糧多人戶差占應天府祇候二十名禁子三十名
各府以秋糧為額二十萬石之上祇候二十名禁子一
十五名一十萬石之上祇候一十八名禁子一十三名
各州縣以秋糧為額一十萬石之上祇候一十五名禁
子一十名弓兵三十名五萬石之上祇候一十三名禁
子八名弓兵三十名五萬石之下祇候一十名禁子七

名弓兵三十名

事例

洪武初凡丞相大都督准侯例儀從十五人從一品十三人正從二品九人三品七人四品五人五品四人六品七品二人八品九品一人中書省御史臺公使各二十六人六部各十人斷事司察院各八人應天府十五人上元江寧二縣各十人其武官隨從人指揮使至僉事各四人尋加二人千戶以下三人百戶以下二人俱

在正伍取用三日一易衛所直廳六人守門二人守監
四人守庫一人俱選老軍充役一月一易 永樂間令
各項皂隸以均徭人戶為之在京在外俱以一年為滿
洪熙間令凡文官給假回原籍者跟隨皂隸准其帶
去 宣德間令隨從皂隸係不願應當者每名月辦柴
薪銀一兩 正統間定官員隨從皂隸文職一品二品
十二名三品十名四品六名五品六品四名七品至九
品二名內翰林院編修檢討六科給事中中書舍人監

察御史俱近侍各加一名知縣係親民正官欽與四名
國子監博士助教學正學錄二名翰林院譯字官一名
武職五府管事都督錦衣衛官事指揮鎮撫司管事鎮
撫俱照文官品級例帶俸都督各六名錦衣衛帶俸都
指揮指揮各四名長陵衛指揮使并同知各六名僉事
四名則出特恩其文武衙門公使皂隸六部都察院通
政使司大理寺直堂皂隸各三十名鴻臚寺翰林院直
堂各十五名宗人府太常寺國子監直堂各十名詹事

府左春坊直堂各八名右春坊直堂五名司經局直堂
六名太僕寺欽天監太醫院直堂各六名光祿寺尚寶
司六科中書舍人制勅房係內府衙門各用看朝房皂
隸四名上林苑監行人司各直廳四名六部各司都察
院各道大理寺左右二寺各直廳四名刑部各司都察
院各道大理寺左右二寺係理刑部門各用把門二名
都察院經歷司通政司經歷司各直廳四名戶部刑部
都察院照磨所及各衙門司務廳各直廳二名通政使

司有奏訴冤枉人等戶部山西清吏司兵部職方武府
二清吏司俱有軍囚人等各用看監四名宗人府經歷
司直廳二名詹事府主簿廳直廳一名鴻臚寺司賓署
司儀署主簿廳太常寺博士廳典簿廳太僕寺主簿廳
各二名欽天監主簿廳二名看書五名觀星臺把門四
名國子監繩愆廳直廳三名典簿廳直廳二名刑部看
監一百三十九名都察院看監一百二十八名五軍都
督府直堂各八名府經歷司直廳各四名錦衣衛直堂

二十名鎮撫司直廳五名看監三十二名經歷司直廳
四名其在外司府州縣官員隨從皂隸照京官品級僉
撥其公堂皂隸弓兵并看監禁子各照原額僉點布政
司按察司直堂皂隸各三十名把門各六名各司經歷
司照磨所直廳各四名都司斷事司布政司理問所直
廳各八名把門各二名各府直堂皂隸十六名把門四
名各州直堂皂隸十二名把門二名各縣直堂皂隸八
名把門二名各府經歷司照磨所直廳各四名各州吏

目廳各縣典史廳各二名 成化十四年令凡各官丁
憂陞除等項去任名下皂隸銀兩封收送官選補復任
在一月以裏者全送兩月以上者照扣一年之上不曾
除補者盡數扣除收過柴價不久改陞事故等項除三
月以裏免扣其餘悉令還官應用如缺官日久日月已
滿仍照日期扣筭其扣除銀俱送戶部收貯備荒年終
造冊進繳 弘治初令凡兩京公使并倉庫秤子等役
不願應當者每名歲出工食銀十兩 十一年令各處

解到柴薪價銀本部收貯該司行移應得皂隸衙門知
會各該衙門差人賫文赴司關領分送各官其改陞事
故等項各該衙門即日查實除任內應得外悉扣還官
其續任補缺但以到任之日為始補與應得之數十
五年令郡王將軍府教授典膳每員皂隸一名郡王府
教授典膳皂隸民間僉撥二名每名止許辦柴薪銀八
兩將軍下教授係吏部除授由學校出身者仍與皂隸
一名許辦柴薪價銀一十二兩係本處軍民舍餘出身

者不與又令凡解到皂隸不必拘定某州縣派撥某衙門但從本部將各衙門擬定次序皂隸以到部之日為序三品以上官歲該皂隸十名十二名者俱先撥三名四品官該六名者先撥二名九品以上官該二名二名四名者俱先撥一名譯字等官該一名者俱先撥半名各照次序周而復始大率一品二品官歲該十二名者上半年以裏不許撥過六名四品官該六名者上半年以裏不許過三名餘官倣此

武學

國朝自正統以來承平日久天下軍衛子弟多習儒業
延至邊徼亦或設學建官以教之其在京師勲戚子孫
襲爵及被選尚主者亦學于國子監至於各衛幼官與
子弟未襲職者資多可教於是兩京並建武學嚴立教
條儲養訓習以備任用其子弟有志科目者亦許應試
設教授訓導品秩俸廩如京府儒學之制教條係本司
掌行因具載之

事例

正統初奏定教條一幼官及武職子弟所讀之書小學
論語孟子大學內一本武經七書百將傳一本每日總
授不過二百字有志者不拘必須熟讀三日一溫就於
所讀書內取一節講說大義使之通曉春夏秋月每日
辰時初刻入學至未時末散冬月申時散一都指揮等
官年長者止令五日一會聽講其會講之日教授訓導
咸在內輪一員以大誥武臣歷代鑑百將傳及古今名

臣嘉言善行內據一段升座講說務在坦直明白易曉
各官齊班祇揖立聽有未曉者許其請問再為解說務
使粗知大義講罷祇揖而散其幼官子弟亦隨後聽講
一幼官子弟日寫倣紙一張率以百字為率有志者不
拘一幼官子弟有事請假先自訓導以達教授明立假
簿量事繁簡緩急定與限期依限赴學一都指揮等官
升堂聽講執弟子禮不係聽講之時相見各以禮待其
幼官以下常在學肄業者必行師弟子禮一都指揮等

官聽講之日遇有公差及當操之日皆須報知本學明
註簿籍事畢仍前會講幼官內有領隊管隊官如遇操
練之時分作兩班輪下教場三日一換亦須報知本學
明註簿籍操畢仍前赴學不該操者依舊在學一本學
置紀過簿一扇都指揮等官有犯學規者學官以言訓
飭不從者明書其過三次不改具呈總兵官隨宜懲戒
其餘幼學子弟有犯量情責罰一提督御史下學悉依
憲綱禮儀其勉勵官員子弟須稽考勤惰量加警飭

毋致廢弛一教官幼官及武職子弟廩饌每人月給食米三斗一武職五十以上者操練聽講以下者入學讀書成化初申定教條一每日早教官升堂幼官子弟序立分東西序揖退俟訓導還齋晝卯背書授書寫倣遇會講之日訓導升堂諸生序立聽講一都指揮等官雖見授三品職事讀書聽講及與教官出入相見並應執弟子禮毋或輕慢以乖禮義一教官表儀後學必正其衣冠謹於言行使學者有所觀瞻不許放肆怠惰麓

暴輕率有乖師範一都督以下子弟文學優長有志科目者聽於京闈鄉試果有武藝智謀許府衛從公禮薦以憑應試一每月初二日十六日教官率幼官子弟於城外空地演習弓馬一在京千百戶鎮撫應襲子弟願入武學者聽一在學幼官有策略精通人馬熟閑者從公禮薦赴部會官試驗奏請任用其餘抱藝八分不及薦舉年二十五以上三十以下者本學查明送部轉發各營聽用一幼官武生肄業外每五日一次習演弓馬

各營總兵官兵部堂上官每月各一員下學考驗武庫
司籍其功能歲終檢閱具奏其一次答策文理可觀并
馬步中五六箭者賞鈔一百貫三四箭者五十貫若積
累至於能專其業可以為將或坐營把總守備者不次
擢用十年以上怠於進學者黜退送操一幼官武生考
驗累居優等者十年一次本部會同總兵官舉送各營
各衛遇有坐營把總掌印軍政員缺相無選用其餘盡
行黜退別選以後每月考校外另委該司官一員不時

點聞逃學十日之上或一次二次者量責半年之上及連逃三次者呈送法司仍追食過饌米還官依例送操其教授等官學行出衆作養成材數多者依國子監官事例陞用南京兵部

武選清吏司

事例

凡所屬軍官亡故老疾應襲替及減革者每歲春秋二季具本起送咨兵部定奪

凡軍官亡故老疾子孫幼小應得優給及戶無承襲應優養者行勘明白類咨兵部定奪

凡南京各衛所軍政官員照例五年一次會同五府錦衣衛堂上官考選會本具奏若軍政官遇有急缺申呈到部查委見任官員署管候有官之日另行其運糧官員有缺聽漕運衙門移咨本部查不係為事有礙官員行衛起送

凡南京軍官為事復職取供抄招年終類咨兵部知會

凡軍職係舊官具告比試者勘取供結咨送兵部聽比
凡軍官應請誥命行勘明白移咨兵部請給

車駕清吏司

事例

凡皇城各門俱於南京旗手等十三衛揀選精壯官軍
輪班守衛從本司委官及科道官不時點閱如牌面字
樣模糊及盔甲什物損壞行移南京工部給換堪修整
者收發修整若有違犯照例參奏送問

計兩班守衛官軍及帶刀官共六千一百七十九員名

一班守衛官一百一十七員旗軍二千九百六十七名帶刀官一十員

二班守衛官一百一十八員旗軍二千九百五十五名帶刀官一十二員

凡例不勾丁校尉力士年老有疾者勘驗明白類咨兵部具奏放回照例僉補

凡南京各營騎操馬匹有缺行令照例支租銀及朋合
椿頭銀買補完日行南京太僕寺委官印烙給操

凡南京太僕寺每年報到孳生馬駒應印烙者具奏行
移都察院差御史同本寺委官印烙其各府州孳生牛
犢每三年帶印備用老瘦不堪者變賣銀兩解京

凡南京光祿寺等衙門供應牛隻有倒死者送太平門
外埋瘞退出老瘦不堪者送典牧所收養候有臙息開
呈本司聽用倒死者告行相剥皮張本所具奏類送南

京工部轉該庫交收

凡南京各衛馬快船公差出給勘合裏河者往回限三箇月限外又過三箇月小甲叅問兵部留候聽差者以批迴日期扣筭上江者限五十日限外過五十日者叅問其小甲過半年者并船夫軍餘叅問

凡馬快船應撥通州聽候者江淮濟川二衛輪流委官給精微批管送

凡撥船裝運物件行移南京都察院及該科差御史給

事中各一員監視品物用米者一船十五扛至二十扛其餘酌量裝載不許多占夫船其每年撥過船數仍行移兵部以備查考

凡馬快船夫甲每十年審實重編民夫逃故者依清軍例勾補官旗人等借倩役使者叅奏治罪

計南京江淮衛大小馬船四百零九隻濟川衛大小馬船四百零八隻每船一號六百料者民夫五十名三百料者民夫二十五名

江淮關擺渡馬船二隻

新江關擺渡馬船二隻

浦子口擺渡馬船二隻

龍江關擺渡馬船二隻

儀真擺渡馬船四隻

南京錦衣等四十衛快船九百五十八隻每船

小甲一名軍餘十四名

撥船廠把總指揮三員

造船廠把總指揮三員

錦衣等衛管船撥船委官八十員

凡南京會同館從本司提督

計本館館夫五十九名

馬四十五匹

馬夫四十五名

鋪陳四十五副

驢三十頭

驢夫三十名

鋪陳三十副

凡南京刑部送到軍伴編發南京錦衣衛各所充當

凡會同館江淮濟川等衛應天等府滁和二州修造船隻歇役地租工食馬驢鋪陳等項價銀俱本司收受內租銀送應天府寄庫其餘聽候支用

職方清吏司

事例

凡南京裏城正陽等一十三門外城江東等一十八門關俱於各衛揀選精壯官軍守把從本部委官與科道

官不時點閱

凡各營及江操官軍俱有原奉勅管操武臣統領操練
從內外守備及本部叅贊官閱視本部仍委官一員并
行南京科道差官不時點閱

計營操四處

大教場

小教場

神機營

凡驗軍及存恤新軍俱照在京事例

武庫清吏司

事例

凡南京各衛所逃故軍匠發冊該府州縣清勾其原籍無丁者聽該府州縣差人賁文查理備由批迴

凡在外軍民戶籍不明解查者本司揭查軍冊行南京戶部於後湖查民冊備抄類行原籍以憑開豁

凡南京京衛武學從本司提調每月本部堂上官照例

下學考驗

凡南京各衙門皂隸照例差撥具撥刺及扣除還官者
收貯本司以備灾傷州縣撥補

明會典卷一百二十五